


PAMFLET

170^a



E
C A
vva
gl

270
ALLEN
ENDE ELCKERLICKEN
CAPITEYNEN, VOLCK VAN
vvapenen ende anderen goeden ende
ghetrovven Crijchsluyden van Ne-
derlant, vvenschet de Prince van
Orængien, Graue van Nass
saw, &c. gheluck ende
salicheyt.



PRO LEGE REGE
ET GREGE.

MANINGE

Des Princens van Oraengien, &c. aen-
de Capiteinen ende Soldaten,
vanden Nederlan-
den.

PRO LEGE REGE ET GREGE.

Mijn Heeren/ het waere noode-
loos datmen v langhe verthoo-
ninge dede/ vanden voornemē
des Hertoghen van Alba ende sijns
aenhangs / nae dien een ieghelijk
eenich verstandt hebbende / Duer de
ouerwreede ghewelden / afgrijselic-
ke verdrukkinghen/ ende onghehoor-
de tirannien by hem ende de zijne in-
den nederlanden zedert sijn compste
voortsghestelt / seer wel can beuroe-
den dat sy anders niet en soecken dan
het selue lant ende alle dinghesetene
van dien te stellen ende houdē/ onder
hen subiectie ende slauernie met mey-
nin-

27
ninghe van aldaer metter tijt alleen
te heerschappen ende te regeeren nae
hennen appetijt/ ghelijck sy ghedaen
hebben in Italien ende elders daer sy
hen hebben connen indringhen. Tot
welcken einde sy oock hen bloedighe
handen tyrannichlijck hebben gesla-
ghen aende grootste Heeren/ en so ve-
le vanden edelluyden en volck van qua-
liteyte der seluer landen/ Thoonende
daer neffens hen wozeetheit tegens de
eere en goeden der gheene die (voorz-
siende dit onweder) in tijts warē ver-
trocken/hen latende voorsztaen dat na
dien sy souden te bouen gecomen we-
sen den ghenen die sy sozchden dat ee-
nichsins hennen boosen voornemen
souden hebben moghen tegenwesen/
sy lichtelick meistens souden wordē van
den anderē die sy noch ter tijt zijn on-
derhoudende niet om eenich goet dat
sy hen gunnē/ maer alleenlick om tijt
te winnen/vastelijck voorsz hen ghenom-
men hebbende van allen den ingebo-
renen

renen des Nederlants te benemen/
nae dien dat sy hen soudē binden in
versekerder besit des Lants/ niet al-
leē alle hoope van bewint/ staet/ diēst
en soldie voor het toecomende/maer
oock die ghene dier inen zijn/te cas-
sieren en daer van te beroonen/en het
Lant also wten hoochsten voorspoet/
daer sy ouerlancx in geweest hebben
te brengen in iammerlicken ellendē/
en insgelijcx de ingesetene te vorē goe-
de vrijsheidt ghehat hebbende in deer-
licker slauernie met verdrukkinghe en
wtroedinge van allen den preuilegiē
en vordelen des Lants. Allet tot ver-
achtinge/schade ende achterdeel van
zijne M. Om wt welcken iammer te
geraken/hebben alle de getrouwe on-
deriaten en inwoonderē des Neder-
lants als nisseer goede bequaemheit
en middel/na dien sy opentlick sien dz
de aengaēde God door sijn sonderlin-
ge genade wonderbaerlike te wege
gebracht heeft een so machtighe heer-
cracht

cracht/als zijne Godlijcke **M** gelieft
heeft/ons in handen te genē/ hoe wel
wy niet alleene so verre vā onsen goe
dē en zijn **V**iaecht/maer alreede so lan
gen tijt vanden geniete der seluer be
rooft. **M**its den welcken soo behoore
alle de ghene/die eenigen treck hebbē
totten dienste vanden Coninck ende
wehtaren vanden lande/ende van hē
eigen voorspoet met grooter redenen
die oogen open te doene en te beuroe
dē de sonderlinge gratie die God hen
tegenwoordelick wilt doen/so verre
sy selue die niet en versuymen noch en
laten voorby gaen/maer vastelick ge
hoouen/dat hen God door sulcken goe
den middel wilt verlossen van sulckē
voeeden geweldē ende moordadigē
slauernien/en oock hen weder stellen
en voordane houden in gewoonlicke
vrijheit/ruste en versekerheit/ **M**its
den welcken wy vermanen te willen
indachtich wesen der verbintenissen
en ghelooften die i ghi hebt tot uwen

A **ij** **Ma**

Vaderlande ende des eedts dien ghi
ghedaen hebt tot onderhoudingē vā
dessels preuilegien/ende dat doende
v sulcx te schicken ende stellen dat ghi
niet en valt in eenich inconuenient/
Dwelck wy lieuer verhuet saghen/op
dat na het verdriuen deser tyrannen
ende wtlandiger. Wy met aduise der
generale Staten vanden lande alle
saken moghen brengen op eenen goe-
den voet ende deselue landē met heu-
ren ingeseten weder stellen in hen ou-
de preuilegien / vryhedē ende goeden
onder de gehoorzaamhē vā sijner M.
op dat daer na elck goet ende getrow
dienare mach bekent ende vergolden
worden na de verdiensten sijnder goe-
der wercken/der welcker men als nu
geen achte met allen en is/ nemende
vlieden daer en bouen by desen waer
schouwende (des ooc expresselijc pro-
testerende) dat soo verre anderssins
niet willende dit waerneemen soo dat
behoort/eenige tegenspoet / verdriet/
oft

oft bloetstortinghe jemanden weder-
baert/dat wy des onbeschuldicht sijn
willen/nae dien wy tot voldoeinghe
banden eede dien wy sijne **M.** en den
lande ghedaen hebben/anders niet en
soecken/Dan vliedē en alle die bāden
Nederlanden te verlossen en helpen
wter deerlijcker verdrukkinge/ waer
af wy ons oock voor **God**/ voor den
baderlande ende voor v allegader by
desen wel hebben willen verontschul-
digen/op dat ghy namaels geen rede
ne en hebt van te seggen/ende v te be-
clagen dat ghy des om v eygen wel-
uaren niet en zijt ghewaerschouwet
ende vermaent. En verhoopende dat
ghy des behoorlicke toelicht sult ne-
men. Bidden wy **God** dat wy v coets
mogen sien gestelt in v oude ende
volcomen vryheit. Gegeuen
in onsen Veltlegher by
Arweyler den 14 dach
van September.
1568.

[illegible]

